



息庵集
一

辭賦
古詩

~16
2399
1

共十二



和
2399
1-12

息庵集序



國朝上世文章最推谿
谷澤堂為仕家余嘗妄
論二氏之文以謂谿谷
上於天來澤堂深於人

工比之於古蓋契契韓
柳焉二氏以後任者多
矣然其能追踵而執守
然名世者亦少最後乃
如得息菴金公焉公之

文雖天成不若谿谷而
人工所造殆可與澤堂
相埒乃其瑰奇沈澱之
紋鼓鑄陶洗之妙則又
獨擅其錄云蓋嘗謂我

東之文其不及中國者
有三膚率而不能切深
也俚俗而不能雅麗也
冗糜而不能簡整也
以故其情理未晰風神未

暢而典則無可觀者
是者豈盡其才之罪
名其必蓄積者薄
所因就者上也而
切力不深至耳公
既才素高於學又甚博

而尤好深湛之思鑿畫
之旨自少收詞賦已能
一掃近世陳腐熟爛之
習而自創新格每談輒
驚其主司而一嘗操觚

之士競相慕效以爲首
以及其為古文辭上溯
秦漢下迄唐宋以放於
皇明諸大家各互擬議
究極其變用成一家之大

抵本之以意匠而幹之
以筋骨締之以材植而
傳之以筆藻卒引之于
規矩繩墨森冰也章劇
尤精數工篤其指事陳

情論乖害辨得失能曲
寫人所不能之往、刺
骨洞髓而要不失古人
氣格詩律亦沈健而麗
絕不作浮聲慢調蓋其

為稿者凡二十五卷而
淺求其一篇近於膚率
俚俗而冗靡者無有焉
嗚呼公之於文章其人
工至矣雖謂之奪天巧

可也而於以接武谿澤
也其可以無愧矣然公
蚤被枋用身總軍國之
重鈔槩之業太半為籌
畫韜鈴所奪卒又限以

魚庵集序
六
中身不得大肆志於結
撰而其所來統猶足以
跨越一世焜耀後來此
豈不充難也哉如公既
沒嗣子者事道淵用鐵

字印公全稿若干本既
行於世矣七靈光倅洪
侯補即公侯芭謂公文
宜百世不朽而集無板
刻難保於傳遠甫上友

即鳩切。銀梓而來。問存
於余。未寤。念自公沒。未
幾。已已之禍。任都事。君
以憂死。夫人竄海島。室
家蕩析。為世所悲。今雖

世道更化。幽枉畢伸。而
公家乃無一遺胤。以尸
其後。事洪侯。獨以舊門
生能愴。致力於遺籍。
以為永久圖。其義良之。

或人是不可無一語以
相其役且自以平生素
慕公文又嘗辱片言之
獎而顧不得一奉藝苑
緒論以為沒世恨今而

名卷端以效其區、
一私實與有幸輒敢不
辭而為之存如此若公
事業勲伐之事 國史
自有紀述不具論云

崇禎紀元後七十年丁
丑孟春上旬安東後人
金昌協溼書

息庵先生遺稿卷之一目錄

辭賦 七首

諷隱

雪賦

昆明池賦

鼠機賦

羅池廟迎送神辭

八陣圖賦

次李習之幽懷賦

息庵先生遺稿卷之一

辭

諷隱 乙未

台弱晦而專貞兮，超郵而彌潔。抗志担橋兮，恒與俗而違絕。日有取乎一人兮，夙輔以仁期。並道而愉佚兮，黜欲而屏紛。何外襲之眩耀兮，迭誘以紘紘。將假龜而筮之兮，以决所從。論誨理義兮，至道以通。筮既不必信兮，言又諉以無庸。恐以之卒乖乎大誼兮，請以辭諷。辭曰：君乎君乎，胡爲舍其內志而從外戕。今胡爲樂於危凶而棄其吉祥兮，君乎歸來天門九



關不可以止兮虎豹斷斷露戟齒兮電目閃爍耽其
視兮鈎爪掣攫唯人是伺兮歸來歸來不可以止兮
君乎歸來金門玉署不可以嬉兮中有蟠嶺峗峗其
亘千里兮上與天屬下無地兮一生萬死危不能髮
今往必覆仆亡其骨兮重以封豕雄狐豺獾兮彼皆
索人以充其臍吞噓倏忽兮歸來歸來魂精失兮君
乎歸來紅塵紫陌不可以留兮其害則有決漭之海
湯湯其流兮波濤滄晶漂山若漚兮毒龍孕乎其中
蛟鱓又以驅兮露骨爲島吐沫爲洲兮鼓盪萬里吞
屋舟兮蝮虺巧伺終不可度兮歸來歸來不歸欲何

求兮青紫纍纍騁繡軒兮前驅後迺從者如雲兮朱
門熱市競走趨兮吮癰舐痔自忻愉兮鄙夫爲榮達
者覬兮君乎歸來世蹈尤兮華構崔嵬軼雲霓兮連
館迺麗杳不可倪兮突室清榭冬夏殊方兮移易造
化一陰一陽兮明月錯落翳幃張兮綺組猗那從風
翔兮璫瑁飾筵璆琳琅兮曼姬鄭女纒二八兮滂心
綽態何妙絕兮冰肌瑩澈掩白雪兮凝睇流眄目傳
意兮乍來親膚柔若脂兮慢舞生嬌掉纖腰兮緩歌
赴節憂雲霄兮流風厭揚發激楚兮鳴璫揆瑟鏗大
呂兮六律互噉喧白日兮瓊釜玉鼎羅堂壇兮海輸

陸湊毛錯殫兮芬芳酷烈苑椒蘭兮辛鹹適勻尹牙
味兮乳酪撞桐儀杜治兮通肚觸鼻馨勃鬱兮窮滋
極豐妙莫說兮凡茲數者仕而得兮居華食侈恣聲
色兮爲樂無央人所欲兮肆志忘殆皆鳩毒兮暗昧
昏蠱黜不辱兮南威子都斷人脉兮甘脆肥醜腸腐
爍兮濮上鄭衛訛衆賢兮高軒敞室鬼胥瞰兮自昔
而然昭厥鑒兮綠珠誨禍孫礫石兮柁飴沃釜愷蒙
僂兮珠鳳雕戶保罹酷兮趙瑟秦聲幘終覆兮歸來
歸來彼止盡兮君乎歸來宜遜藏兮岑巒截岬竦青
蒼兮巖秀壑冥互媚明兮桂樹婀娜而叢生兮萬歲

有松千歲苓兮幽蘭叢蕙揚郁芳兮鸞鳳交棲與翔
翔兮猿鶴嘯舞鷓翠蹠兮君乎歸來賢所鄉兮薜蘿
爲籬雲霞爲關兮茅茨不剪薄櫨不丹兮伸膝鋪胸
覺易安兮葆真守冲神不刈兮君乎歸來可盤桓兮
山而美蔬水且漁兮網深擷高任自如兮烹葵色藿
備环饗兮鯉鰈登羞陋脯龍兮松桂充釀糝芳烈兮
鳴缶仰天酌明月兮君乎歸來樂無缺兮瓊柯琪樹
紛摻攢兮勻容稱色服雲鬢兮林泉激籟五音繁兮
陰陽清濁穆羽和兮韶讖叶諧汰淫哇兮萬竅娛聰
敵笙簧兮君乎歸來樂無方兮左圖右書列典墳兮

挹羲追軒體道元兮究顯幽眇象帝先兮思叶神融
齊聖賢兮君乎歸來道所存兮說迢夢賚輔商王兮
伊摯抱道要聖湯兮姬文獵輔奮鷹揚兮武侯鼎峙
炎再昌兮然其未遇咸慎藏兮躬耕于莘或挿築兮
清涓漪漪釣而直兮隆中嶷嶷龍所蟄兮曷銜而鬻
徒齷齪兮君乎歸來躡彼躅兮

羅池廟迎送神辭

採蘋兮水中盍將薦兮侯之官揚侯齡兮樹兩於齊
撓樂兮簫鼓鳴玉珮兮嗟嗟侯不來兮使我心嗟侯
偃蹇兮既來續舞我兮傚傚桂水湛湛兮芳草萋萋

東與潮通兮湘流在西左三閭兮右昌黎侯朝與嬉
兮暮與攜樂莫樂兮南土侯之澤兮其普侯皇皇兮
儼欲旋怙恂兮我涕漣綬我兮禧我庶盼嚮兮毋
我捨女安紅兮男安稼蔚禾黍兮滿原野報侯功兮
氓胥虔期世世兮永無愆

賦

雪賦 壬辰

楚襄王既遊於蘭臺使宋玉賦雌雄之風將置酒于
章華之宮緒風飄拂繁雲霽霽天慘慘兮日淒淒霰
雰雰兮雪霏霏上乃厭晨謹倦夕醺去雲闥來雪殿

發素麻之詠動黃竹之謳俯而賦兮雲澤之瓊墟仰
而睎兮風岑之瑤丘顧而語宋大夫曰夫雪豈亦有
寡人之雪庶人之雪乎玉對曰然夫雪亦有焉夫有
天地而有陰陽有春有秋而有露有霜至於方冬而
爲斯雪也白帝告颺玄冥警節冰火洲而凍炎壑涸
東沼而凝南陸飛廉叱其風飄颺於沙漠屏翳欲其
雲霓霑於海瀆於是乎畔散交錯胸渙委積漉漉浮
浮漠漠濟濟其始也倏兮若姣姬乍舞紈衫縞袂颯
沓而容與其終也偈兮若駕素虬驂白螭躡略而摻
摛或雪驚而焱駭或濤譎而波詭瞻樹木則爲琳花

琪萼眇原隰則爲璠阡瓊陌玉膚冰肌掩其光皎鵬
皓鶴攘其色於是乎徘徊於桂椒之間翱翔於棟楹
之際乘凌高城拉階崇陛然後躡金砌躋玉墀拂綺
幌撼繡帷迺得爲大王之雪於是乎大王襯紫霞之
被襲翠雲之裘激灑瓊壘之醴陂陀瑤厨之羞銀燭
炳其前金爐熾其後吳歌越歛嫋嫋於其左趙姝燕
姬焯灼於其右其雪菴藹氤氳聯翩繽紛淒其似秋
煖其如春王曰樂哉言乎夫庶人之雪豈可聞乎玉
對曰夫庶人之雪則澌灑於園圃之上飄颻於庭庑
之下蹭蹬丘隴躑躅原野埋蔀屋壓蓬廬托柴杻揆

桑樞其雪凜凜冽冽慘慘怛怛其積也如壁如璐不可爲食其布也如縑如繒不可爲服於是乎庶人糝糠不能舖藜藿不能啜履不能穿踵袍不能掩骼而爲白雪之歌歌曰白雪之霏霏兮衆人皆飽今我獨饑白雪之漫漫兮衆人皆煖今我獨寒夫雪未嘗異也庶人以憂大王以樂使樂者憂人之憂則憂者亦樂人之樂矣使憂者不能與其樂則樂者亦不可以終有其樂也王曰至哉言乎非子寡人安得而聞之

八陣圖賦

甲午春余病寒數日偶借諸葛武侯全書於

李擇之許其書末編載唐宋以後至明朝諸文士所詠八陣圖詩若文若賦幾數十篇詩無論文唯新都用修太史之記爲佳賦則自揚廉夫以下皆瑣瑣無可當人意者余遂擁衾搦筆爲此賦非欲與古人爭衡並鑣盖用寓生平景慕侯區區之私云爾

遐哉邈乎夔子之國南搯金隣戈塞北接石門劍閣瀹以靈漢峯以神壁層湍沓瀨之險回厓複峽之阻其中則有魚腹之浦盖昔武侯八陣之蹟在焉當其赤炎告燼白水旣傾颯回九縣霧塞三精際風雲之

競盪蔚虬虎之相驚于時武侯龍臥隆中道闡圯上
齊志管毅倖跡摯尚選三顧以欵起翼靈胄而高驤
瞰天府而攬雄廓玉壘而開疆伊欲憑大順以正夏
腦魏猾於東鄴恢宏略以綏裔躡吳孽於炎場于以
歷八象閱九法演乎丘井以終始黃帝太公之制維
其高擁以槍鼎則祇護乎儲胥盛陳以人衆則久煩
乎徒旅於是乎乃鑿礪砢之石替萃從之士三靈效
機六神敦工夏斧施巧秦鞭奏功抨堪輿使屬壘命
太乙而當兵齊總總搏搏其相轆轤今鱗羅翰萃祭
以縱橫爾其玄靈御衡黃祇司轂飛廉噫以振響屏

翳欵其騰色蒼龍蜿蟺於東隅白虎躩踞於西陸朱
鳥舒翼而南翥騰蛇蚴蟉而北宅遠而望之續紛儵
呈乍明乍沒象陽機陰軸之旋幹追而察之龍窠頽
沓若嵬若業似天閭地垠之開闔至乃撓之無跡運
之無方進退莫測出沒靡常剛與柔其相錯竒與正
其互列伏至動於至靜寓能虛於能實藏之則入重
淵而匪沉躍之則登九霄而匪崇嗚呵而日月晦耀
歛歛而風雲盪洶嗟瓌璋而奧眇紛彘彘其難覈差
不可乎備歷然則瀘南七擒鑊耳膽懾渭北六出狼
首鬼讐荆湖雖以盪之則洩冀岑雖萃躡之則蹶斯

固八陣之效也是將運神筭握靈契馳仁聲整義旅
一伐而曹狐獻馘再征而孫鯨授首白帝之耻足灑
炎后之業若舊奈何天旗隕芒星蓋韜映蜀壘晉桐
魏幘告慶欵勲業之永曠慨廢興之何論惟八陣之
遺蹟歷萬古而長存余嘗泝涪巴峽睇吟夔丘弔古
南宮訪磧西洲遙沙莽其縈石極浦漾而微漾寒雲
漫以竒色朔颿振而哀響江流石不轉仿像杜陵之
詩壘平水已落依稀夢得之詞自漢迄今不知其幾
百千載尚纍纍其如新而况驚濤駭浪洶湧而砰磕
兮此不爲之沉湮危嶂急峽震汨而崩淪兮此不爲

之推遷想神物之呵護固天地之扶嗇嗚呼惟侯之
智莫晰乎二策惟侯之忠莫昭乎二表木牛騁神鐵
斧擅妙伊陣圖之竒制亦韜機之秘略斯石不泐惟
名與之不泐斯名不滅惟石與之不滅桓氏常山之
喻曾未擬其髣髴衛公正兵之論庶或窺其萬一苟
靈奧其若斯孰亦有云而能詰遂爲銘曰峨峨夔岑
隆隱天兮滔滔魚浦渺渾涓兮石壘中開唯八陣兮
太一風后窮神變兮準圓則方幹玄機兮呵噉雲雷
鼓靈威兮軒皇肇緯杳旭卉兮惟侯式闡紹厥對兮
溯濤汨浪罔傾側兮崑崙緯繡歷亡極兮靈薈咲盼

彌厥稱兮如其昧者曷不斯徵兮

昆明池賦

甲午爲飛六趙公代月課作

百粵未關八荒窄炎海將盪鯨池鑿瀦滙數十百里
上屬天潢象其河名之以國是曰昆明予以勤遠而
極武用肄戎功爾其濯若江漢浩如瀛蓬東連太液
北接唐中鎮以靖冥之館臨以豫章之宇崑崙然翼
翼然停水而宮者渺不知其幾千百所驚波射沫不
暝而雨長風激濤未陰而雷日出東隅月朔西陂二
儀瀕洞杳無端涯池之未成黎海湯湯池之既成沫
水灑灑誰謂溟遠莫如其邇誰謂溟險莫如其易區

之閔也地之邈也而體勢不異時若長雲轟轟列餘
鯨也紫電倏倏戈鋌明也豐隆塵海鼓吹錡也祝融
烘霄羽毛揚也續續欻霍而莫測其所縱橫也亦或
君王出遊張水嬉兮龍輅鏡流翳雲芝兮微波澹淡
揚黼帷兮丹隄霞蔚豔綺羅兮玄渚鱗聳拊雲和兮
又有蓄丘之勇慶忌之捷倏飛文身之徒足拖蛟犀
手搏鯨鰲相與聊浪乎其內吞若溟河者八九於胸
中曾不蒂芥嗟乎內作池臺外肆征伐有一於此者
未或不滅瑤池周宴竟迷八駿之轍玉關秦開終虛
萬世之計奈何漢武鑿而不戒佚遊旣窮雄圖且攄

朱厓未鏤黑沼已滯以使清渭雖深視溝渠矣紫淵
雖廣視鬯杯矣巨石化鯨太華碎矣周隄若阜九變
隕矣檣竿簇簇隴蜀之榷柁兀矣鏊鎧煌煌秦晉之
金錫竭矣旗旒祁祁吳楚之綾縑絕矣以上林一池
之水傾四海蒼生之膏血以蠻越數百里之地塗中
原赤子之肝腦兆民怨沸九土波擾及乎秋風一夕
汾水歌殘烟沉茂陵露冷金盤但見苑臺獨存景物
依迷波寒舊沼草沒古隄蓋將弔其遺跡既已灰滅
而無餘嗚呼斯池一也而可戒者二一以戒池臺之
玩一以戒征伐之事夫何後世之君能戒者少而不

戒者多龍渠漲綠錦纜凌波則隋亦不戒也鼓角鳴
鶴野之月旌旗濕雞林之雨則唐亦不戒也嗟嗟二
君豈惟不戒而復師之夫戒其可戒又戒其不戒而
能爲後世師者其惟靈沼之詩

次李習之幽懷賦

乙未

哀時俗之日陋兮何慮渺而志卑履傾圯而胥恬兮
昧燕嬉之爲非伊余心其不然兮獨憾憾而懷悲覽
邦運之嶮岨兮豈齊國之庶幾訐謨舛而靡悔兮焉
策駟之可追彼巖廊之魏居兮唯襲輕而齧肥俾九
重而獨勞兮詎憂虞之或微肝靡暇於玉餐兮宵不

襃乎袞衣然綱要之未挈兮不日紊之幾希无公明
之廓朗兮多騁聞而眩私嗟良生之內瘁兮憂豈但
夫外夷倘一朝之阽危兮實莫知其所維持橫江湖
而盪濤兮若中流而喪維无榜人者爲之理兮孰拯
濟之有思欵崇厦之震騫兮風雨欵其萃之般爾愕
而却步兮吾恐隕燬之與歸嘻前代之足鑒兮而善
惡之皆師則耀德於虞夏兮戒專賦於嬴隋採越伯
之九術兮撫餉葛之殷規願靜專而內修兮尚保良
之可爲挺可制於撻楚兮苟行仁其孰違縱余懷之
孔臧兮世昧昧其告誰瞻雲閣三川莫愬兮心慄慄若

有遺願憑辭而自宣兮豈余言之非宜

鼠機賦 庚子

金子方夜讀書倚篋而睡忽聞有聲屢宰乍攪乍已
靜而聽之聲在篋裏乃呼童子執燭而視中有一鼠
穴而抱子若橐若粟若榛若榘十百其顆輦來而置
拱焉張爪齧焉鋸齒先人而睨馳若奔驥乃命童子
施機設餌寘諸篋側息明而俟始聞啞啞若有鬪戲
俄然大響木石震墜一機所發駢取其二童子色喜
請再以試金子曰嘻汝汜可止世之趨宦盖亦猶是
一資半級得生失死汚渠之腐若獲珎美蹈辟舞絙

息庵先生遺稿卷之一
滅身不耻實如彼鼠食于機器且飶且目側行委尾
卒觸其牙亦竟糜耳餌鼠者果餌人者位縱殊其形
乃符厥智人猶如此物何責爾童子聞言感然自沮
投鼠屏機休于故處時夜將半攪者既除余遂就臥
甘寢達曙

息庵先生遺稿卷之一

息庵先生遺稿卷之二目錄

五言古詩

四十四首

送韓同年肯世之南原觀外氏

守申于沈伯衡家諸友皆會詩以記之

暮春遊道峰歸以詩寄勉卿揚卿

贈同宗金子文兄弟

挽李監司 萬雄六首

挽沈伯衡內子趙氏

復與金學士永叔同校東堂錄奉求和

挽趙承旨 胤錫

贈別尹御史玄通試才耽羅之行 三首

挽趙友勉卿室內

瑞興道中見掃雪者

離松都

挽朴評事季肯室內

送朴評事季肯

挽崔生法

送張海而赴南平

代挽夏興君夫人

行到遠城山僧妙慧求詩口占長句以與之

釜湖解嘲

七述篇送申學士寅伯接慰萊州

挽李士休

明善公主挽詞

送孟休徵令公按節湖西

水雲亭十二首

送辨誣使赴燕

李進士師命內子

送清風李使君子三

七言古詩十二首

孤鴈篇哭可億從弟

夜讀武侯出師兩表有感

挽洪榮川大夫人

挽趙教官聚叔大夫人

蘄王府送花卒歌

仙槎行

擬佛印送別卓道人兼寄東坡長句

復戲爲東坡寄謝佛印禪師詩仍用前韻

前詩不及謝道人之意更成一首

書佛印禪東坡寄書後 宋子容舍遇高漸離

送長安君質齊

挽鄭東溟 斗卿

明惠公主挽詞

息庵先生遺稿卷之二

五言古詩

送韓同年肯世之南原觀外氏 名構

作賦比雕蟲壯夫所不爲雄也逼屈騷悔之言若茲
况不及雄者小技真可嗤邦家取進士較藝以賦詩
詞場誇黻距磨礪各見奇唯先利其器努力宜孜孜
然當決科止豈必淫文詞結筌在求魚得魚筌可遺
吾觀古文士迭興何其師大者抱明月錯落和與隋
小猶隨所獲採撫雜珉琦人人自有得志氣浩淋漓
俄然若蠖蠓浪沒更誰知不朽良不易千百僅一垂

春風百花麗草木競新姿榮華一消歇那復識芳蕤
所以君子身兢兢務自持人生穹壤間最貴在倫彞
苟使道已高不妨身逾里卓立能砥行尤宜遜厥辭
直內敬爲要主一慎莫差可變躁爲靜可昭闇爲曦
清風掃陰翳高空露粵瑤池潭瀉污潦澄澄涵淥漪
粲然天理明蓋在克己私嫩哉紫陽箴之矣聖門規
豈譬徒事末勞勞鏤肝脾韓生才突兀弱歲超倫夷
咀嚼班馬腴餘馘味衡思一戰歛登庠銜如脫穎錐
仲冬涉遠途將赴天南唾謂言觀外氏况奉慈闈慶
科第耀門閭抱孫祖所嬉方當舉壽觥茲行寧少遲

層冰塞洪河朔雪埋吳逵岑巒多巒嶮空林咆虎羆
行行且慎旃惕惕毋蹈危古者遠行役朋友必有貽
不須金璧餉箴砭貴相鑿文采子所有勗子以德基
斯言莫棄擲珮之當礪鱗

丁酉冬十一月二十二日夜守申于沈伯衡

家申寅伯最趙揚卿顯期皆會大雪初霽月色

如畫在座皆能詩或作近體或作長句獨余以
不曉韻語辭主人強之甚乃成五古一首

右肴旨可餐有酒清可呷聊成良夜會偶與嘉賓合
園林雪初霽琪壁粲相壓明月如寒鏡盈盈露玉匣

皓色看可愛清光正宜納心腑覺瑩澈浩浩凌埃壒
起視河漢傾促觴仍款洽肅穆且相將喧呼慎莫狎
劉毅一小豎放浪不足法不知誰家子羅裙醉深閣
六博間樗蒲瑤箏戛銀甲應笑吾輩人寂寞秉明蠟

暮春念日遊道峰歸來詩以記却寄趙勉卿

揚卿兩詞伯兼示院中諸益

閉門終南下不知春將盡臥聞鳥聲喧間關在簷楯
也標閑花復如笑似向幽人哂悠然起遐想遊興忽
已朕緬憶道院勝碧岫何森嶙况方講業徒數子情
宿允芳菲正可探時服初成紵韻書也與衫兄之

紵鄉黨稱曰青門見柳色風光任候診逍遙樂自曠

脫略忻不窘曹溪入望眼欲捨還未忍寺知雲嶂隔

路訖樵人認始穿纔容線終窮遂通軫流泉弄鳴環

琤然韻虛牝虛牝谷也古詩曰哀壑四虛古木時

走廳懸崖或棲隼巖回出畫閣駕虛猶懸籟與籟同

瀑流壯屈注天河隕追琢費人工刻畫應不泐達者

以為賓猶然發其矧遊遊日未榮于猶然矧却與仙

洞別首回如有引崎嶇歷脩麓透迤得平畛野草細

復濃羅生雜蔬菌青林間紅萼綺繡一何踳危峰逗

天墟孤髻撐雲鬢入祠勤肅謁偃僂非敢僂居人殊

不怠相視一笑韞丑思反左思吳郡賦曰東攜手澗

之曲濯纓清澗澗不載出韻會飛湍灑白石激激晴

猶實韻考雨也山花更的歷乍披叢還胎韻會出蘸

溪疑洗錦綠巖似著純音雅禮記鳴禽替笙等不用

煩嚼箇我酒既可斟君詩何太敏酩酊倒樽罍奧麗

抽肝腎洪鐘轉旬越噤吟縮春蚓吾觀天地內太和

浩無準生生自春意藹藹及螟蠹人生貴舒快何必

長拘緊偶遂塵外情滌蕩失愁憫泠然心境空髣髴

邀聃尹聊以寫吾趣新詩愧不續韻考

作續

贈同宗金子文子昂兄弟啓明斗明

吾祖大成公逮我為六世孫子固衆多支別各有系

譬彼千歲木盤礴盛根柢柯葉自布濩餘蔭連畝畷

聞有公裔孫久落湖海滋揚侯惜遠遡太史悲留滯

今年叩我扉冠卯兄與弟灼灼南國花春風映雙棣

閣牒叙尊卑論齒得行第自言處下邑無所質學藝

縱然事勤苦誰復豁蒙蔽唉哉巷賈論不與國賈儼

陸市羅小璣錯落繁星睚齊紫與魯縞自矜窮織毳

誰知海市富霞錦疊麟屬明月或傾都精光射朝帶

所以捨鄉里驅馬來京邸京師信壯麗規矐聖所制

峨峨宮室美鬱鬱山河勢飛騰盡才俊卓犖多英睿
茲遊誠大觀豁然心目霽庶勉以自壯學問期无替
余聞久嘆嗟子誠得所計退之稱歐生秀出於南裔
二蘇自巴蜀一朝來聯袂高才豈匏瓜不食焉能繫
今子從遠方有爲足可繼文章自有道讀作勤不廢
六經如日月吾說不待贅漆園道德餘左丘春秋係
悲慨蠶室史奧衍潮州製漢賦叙校獵楚騷咏蘭蕙
樂府魏晉間大雅開天際詞家衆體備巨載須深嚼
徒文或類俳於道乃爲細未若先理義不期麗而麗
秋風動城闕涼葉墜軒砌淒淒冷蛩吟杳杳歸鴻唳

燈火正可親文史恣探詣立揚須及時慎莫拋年歲
歸爲父母榮毋忘祖先惠感子有共圖立志何卓銳
新詩實賀子且爲吾頌礪

李監司

萬雄

挽

代家大人作

少小與君友相逢卽相厚常存長者心不愧賢人後
我愛君任真君憐我衰朽自謂兩相敦惠好以永久

其二

美君玉堂彥受國方面寄南海舊珮符西關新攬轡
威加祭彤塞剛及中牟雉世方急君材青雲路正通

其三

脩短理茫茫此事吾久訝仁厚君有餘壽祿天不借
玉節纔還陞青虬遽催駕哀哀北堂前塵鎖萊衣架

其四

邂逅鹽州日佳期信非宿海汀共聯舫雨夜同剪燭
依依惜別離欸欸論心曲追思會合地老淚空盈矚

其五

一曲溪潭清千年松樹老小亭俯漣漪綠水名更好
知君厭世紛常思返身早此志竟謬悠令人怨蒼昊

其六

故舊日零落踽踽誰與儔悲君又大選送君歸山丘

曉月南城路清秋漢水流惻惻蒿里歌淚下不能收

挽沈伯衡內子趙氏

吾友沈伯衡高才吾所畏皎皎美資質溫溫好風味
文辭卽其餘著作頗瑰瑋且工古詞賦高處逼漢魏
三疊邪疎宥黃樓轍每誦詰菑篇達理信明哲
才者亦何罪輒爲天所忌秀而竟不實之子遽淪棄
鮮飗妬嫩萼嚴霜凋弱蕙可憐梁伯鸞高風已屬世
獨有孟德耀三年淚成血闇闇明鏡昏惻惻瑤絃絕
平生繡鴛鴦綺組一何纈嫁衣塵滿篋無復爲君設
但願死相從不願生相離一朝便長辭香魂不復追

十四爲君配廿一與君訣廿三隨君去更與君同穴
所悲旣無幾不悲何其長死者正栩栩祇令生者傷
吾嘗評夫子且復及賢耦逸才王文考至性居烈婦
誓定夫子文片語堪不朽次列婦人行彤管詠芳徽
猗歟兩美對千載爲光輝迢迢整靈駕寒峽秋天暮
雪涕寫哀挽悲風莽回互

復與金學士永叔同校東堂用高叔嗣試院韻

錄奉求和

拜命校東堂與子辭王宮鑒識豈云明揀選惟在公
良驥待伯樂美材須梓工尚恐珠璧珎或穢泥沙中

居然涉一旬辛勤相與同未覺過重陽葉落庭樹空
月冷砌邊蛩霜驚雲外鴻微風時觸楹清漏猶了東
秉燭悄無寐永言心何窮

次韻

永叔

名萬基

校藝承綸命粉袍造澤宮點勘朱墨休唱酬追歐
公騁辭若振綺學步焉能工興闌燭見跋坐久月
正中乖澗巷南北且復今夕同淒淒節物肅宵宵
天宇空銀漢掛屋角清霜飄塞鴻想見菊新華粲
粲疎籬東期君重聯袂幽趣未渠窮

挽趙承旨

胤錫

生死理之常一氣自聚散大運諒不齊彭殤各殊筭
顛粹良易置駁溷乃恒滿茫茫彼真宰顛倒失脩短
曩者哭叔舅嶺海飽幽懣沼翁亦懷竒逸志凌汗漫
奄催岱宗遊永失龍門纂其餘二三公亦皆夫子伴
吁嗟轉頭際凋落已過半淒涼梁月孤寂寞瑤徽斷
秋風吹小山叢桂日凋換春草怨王孫白雲餘古館
誰知歲在辰君子復憂患神奸紛傲擾鬼物恣欺謾
豈其淑喆徒每爲天所憚念長壽逾齋德片位彌罕
芳林隕蕙若明廷失珪瓚徒興行路嗟長爲志士惋
顧余故人子獎誘誠過讚陶冶仰型範洗濯引江漢

自期每請教永言荷勤欵承凶太君卒方殮七失案
死孝實至性驚慟淚潏汗哀哀一弱子舊廬仍堊漫
塵架散牙軸高堂虛素幔川原收積雨涼風滌炎燠
遙遙整靈輻指彼維楊岸因聞夫子宅卽我故山畔
行當訪斧屋偃偃以薦灌悽詞且瀉臆惻惻心煩亂
贈別尹御史玄通深試才耽羅之行
驄馬行且止聽我驄馬歌行行彼驄馬本出自天河
渴飲醴泉水饑餐玉山禾自有汗成珠不用金爲珂
乍弄瑤池影旋超瀛海波瀛海波浪高雪山何嗟峨
一蹴經萬里驍騰君謂何

棗脯與石粟讓與鴛爭祿文茵與繡轂讓與鴛爭服
夷途與平坂讓與鴛爭逐九折鳥道上萬里鯨海曲
獨自甘所遇不用悲躑躅嗟哉十二閑自名爲驊騮
終年飽欲死爾輩何碌碌

其二

橘柚生南國珠犀出炎洲物產固多珍最貴在驪駒
徃徃龍變化神物潛相投初效湧重溟紅光射高丘
馭馱千萬匹照耀雲錦幃矯矯摠權奇何者真其尤
吾聞九方子明鑒稱神眸至精若滅没天機非外求

其三

從來驪與黃那足供真搜寄言市駿者勗哉慎所收

挽李恭人

友人趙勉卿內子白軒相公之女也
在玉堂直廬走筆

有美相國女夙歲著芳儀况復郎君賢榮華耀門楣
去得姑嫜喜來得爺孃慈侁侁盛珪璋人稱多福禧
郎君事遠宦西關復北陲王程有期限那得念閨幃
非爲兒女戀豈向夫婿疑偶然榮衛愆却見二豎欺
明鏡日生塵羅帶日減圍昨夜嬉子飛心知郎得歸
所慰暫相見所悲長別離芳蘭一摧折餘馥空蕤蕤
寶瑟斷瑤絃翠壁生蛛絲泠泠雨鈴苦唧唧綠車悲
可憐奉倩心幾綴安仁詩矧茲高堂親雙雙鶴髮垂

魚尾先生遺稿卷三
九
一辭不暫留行路爲齋咨我來歌薤曲且替彤管辭
一歌一惆悵悲風動涼帷

瑞興道中見掃雪者

昨夜北風寒詰朝微霰皓俄頃積至寸及晚勢彌浩
顧視大道上稚女與老媪跣跣踏冰雪兩兩事除掃
酸辛凍至骨涕泣還扶抱謂言北使至州官急治道
處處擁篲畚徵調無少老晨起裙不絮夜寢席無藁
少食而此沒那能用恤保老我死則可却恐兒女夭
歷歷喉中語淚滴道傍草我行誠倉卒驅馳極顛倒
半旬涉千里擾擾失昏早然猶煖體膚羔袖兼豹襖

控御獲駿逸饌羞羅珍好以此言苦艱寧不愧蒼昊
所恨莫救汝默默心如擣

離松都

清晨發東陽驅馬渡猪灘向晚入故都落暉滿空山
漠漠宮殿墟離離衰草間追惟少日遊撫事心正酸
賴有舊相識慰我行役艱破涕忽爲笑悲歡信無端
豈不念宿昔從子以求安王程自有期不敢中盤桓
依依謝諸人獨夜投臨湍

挽朴評事季肯世堂室內走筆

悼亡世多有可念潘南生纔失百年約將爲千里行

稚兒留在室床簟日淒清益歌當此夕愴惻若為情

送北道兵馬評事朴君季肯由修撰拜是職

東海在天地大澤一礪空音壘孔莊子秋水篇云四海之在天地大澤之礪空

有國於海外所宅何其佃音孔小也屈也又曲才貌思玄賦云佃顛項而宅幽

縱令窮絕界屋屋蝸鳩控道遙遊云蝸與鳩鳩已控初不至則控於地而已控

也乃有仕宦者內外州邑衆于茲分遐邇自然為忻

惆刺刺婢子語愴愴都門送笑彼童觀豔小知殊惜

惜人生活物耳安得長無動一朝出門去大道固無

壅薊轅接交南粵航通秦雍寧若醯中蚋滅沒在盞

甕亦豈燕雀然差池戀梁棟今子受國命北庭佐都

統近辭侍從班遠護羌胡種掉臂盃怯怯子獨能從

頌十月風日寒龍城雪已凍地有號鬼門灘或同惶

恐嶽崎關嶺路去去催征鞚攬轡卽其志叱馭又何

勇想子酬壯懷歷覽窮天隴白頭衆山祖勢並崑崙

聳磨雲復磨天邈迤而龍崧北溟亦天池日夜波濤

湧掀揆鯨鯢戲山岳互騰踊轅門盛貌貅劍戟森且

擁邊庭樂壯士簫管調鸞鳳丈夫快心目弱子徒懷

悚行矣不回顧加餐須珍重母令王化闕且使皇威

總徵書應早下歸來奉君寵

挽崔生法

清宵公舉宅對討蕭選註青春京兆試並草鳴鳥賦
居然十年餘此事已成故憐君獨流落窮餓逼遲暮
歸田歲不登採山蔬亦苦誰知一死冤忽復承凶訃
夜半赤白九州牧不得捕知君饒精爽定向穹昊訴
有官縻不去有臆鬱未吐惟將十句詩哭君當贖贖

送張晦而

世明

赴南平

大暑去酷吏清風來故人古者寫扇什兩語工且新
時當盛炎令赫日燒高穹青林獨羸體白羽還無功
忽然思我友作宰湖之南湖南千里途五馬何驂驪
吾聞南邑產篋樣時所寶矧筭與剡籐光潔更端好

君子善觀物觸類宜增慮良暘且先蘇政煩須急除
庶濯醜醜苦仍扇清涼惠聊誦古詩句一爲賢侯勵

代挽夏興君曹

漢英

夫人

走筆

安仁賦秋興不獨爲悲秋溽暑隨節闕涼風入衾裯
坐想谷翁心惻惻懷百憂時邁諒不停遠日亦已臨
平生著懿則留與閨中箴遺挂與舊蹤倏忽還成塵
况復念兒孫那能不愴神吾爲谷翁語慎勿徒自疚
百年且同穴所爭時先後所以漆園子叩盆歌嗚嗚
題詞和薤曲能慰谷翁無

十日驅馳行到達城有山僧妙慧來謁求詩不

已遂使崔吏執筆口占五言長句以與之累語
拙語疊語皆不暇擇也

昨余承 王命拜辭出丹闕馬卿曾諭蜀陸生亦通
粵夷艱歷千里朏朏浹兩月日暮達城館偶然黔吾
埃架裝闌戟門忽有僧來謁解字足稱雅善謔微近
滑謂余癖於文求詩勤矻矻余謂汝求詩無乃太唐
突咄余日飲水行李正倉卒春江清若酒春山綠於
髮揮涕撻川水一弔英雄骨王辰中位金入蜀兔棧
危通秦鳥岑岘鳥岑即鳥嶺免風雷盪崖壑萬古神
龍窟龍秋在周池杏涯岸瀕洞疑溟渤恭檢池金鳥

聳半空凜凜高標揭

金鳥山在善山山下有古注書故居

桐藪古戰場

壯節留遺碣

高麗太祖壯節申公崇謙即余外鼻祖

兵敗太師殉節實有紀信之忠焉地在

行行時響

丘府北有裔孫玄軒由文貞公所撰碑

像觸目興轉勃然猶愛吾詩默默如癡訥千金不輕

擲寧可為汝發明發到蓬萊征旆還當歇扶桑若可

攬咫尺看林樾萬里淨如鏡欲試凌波襪白日忽風

濤鯨鯢互出沒所憂盛炎瘴未夏多成暍有時船趕

至木石競顛蹶霧露沾飛鳶棖壁棲奔蠖閉戶若處

女深深坐甑鑷此時爾能來庶以滌煩悒正待空谷
是母學叔山荆新詩不汝惜百篇恣突兀

有以釜湖雲臺爲大小之論者此固河伯海若
之辨也然余猶以爲壯觀幽賞當各適其適而
已正不須分優劣戲爲長句爲釜湖解嘲

昨登釜山亭俯瞰亭下水落暉滿遠岑纖霞映孤壘
演漾復明滅湖光轉嫵媚今朝步山臺大觀無天地
仰矚但白雲遠眺唯滄海穹鯨弄鬚鬣在蜃騰光彩
兩日愜心賞雄雅各殊勢紅餘與卓犖長短誰相晰
吾聞古鴻門楚漢讎季羽將軍擁盾入壯士拔劍舞
宴酣白日低意氣青春高猶嫌乏款曲亦復近麤豪
銷金帳作援羔兒酪如珠娟娟唱金縷細細酌玉壺

風味諒醞籍此樂知何似小大但自適誰能優劣此
釜湖及雲臺我若互非是不如寓無竟學諸蒙莊氏

七述篇送申學士寅伯

最

接慰萊州

庚戌四月

黃鵠摩天飛千里一徘徊征馬臨道周駢駢且莫催
客有平生親車徒日往迴念君久疾疾惜君當別離
雍容造君間爲君前致辭曰君何所適渺渺南海陲
曰君何所事儻彼萊州夷君方有肺勞何以任驅馳
吾嘗視君病呃呃不得瞑上炎若結轆中憊如煩醒
我有雷跼術君倘許我治不須湯醴投不須鍼藥試
但將豁耳目兼之快心意吾今願得間一一對君語

君拜謝客言側耳以延佇客曰維嶺南素號爲殷富
豐肴與綺羞種種無不有水珍蔚州鰕陸珍密林栗
夏竹艾抽筍霜果盤映橘柚榴爛黃紫芬芳競酷烈
細鱠清洛鯉爛魚東海鼈椒勻更蔗臠入口湯沃雪
况復夏日飲瑩然秋露潔瀝液出箇篁甘膏稱崖蜜
調和玉醴成一醉堪千日此味誠竒妙美哉難具詰
君云吾所戒夙昔在舖餽矧酒爲狂藥腐腸卽肥醜
客曰維嶺南素號多殊容三五與二八窈窕美且丰
眉黛若遠山臉際如芙蓉曼鬢飾寶髻羅綺自生光
競妍以娛客日夜殊未央彩舫設中庭瑤瑟絃洞

喧喧衆樂會緩歌調宮商翹然舞白刃獯迅名黃昌
有時風雨集颯颯鳴空堂出入紛變化天地久低昂
此樂誠廣麗美哉難具詳君云吾所戒夙昔在淫放
從來聲與色祗令心神蕩客曰維釜洲實衆倭所館
吾聞日出國東南海無岸南海聚寶窟珍貨浩千萬
珂峨接西洋扁舶通阿闍瑞腦真龍涎珠老蚌卵
瑋瓊與母珠瑟瑟青紅爛絳羽孔雀尾織罽麒麟段
大鏡明月懸名劍雄犀斷蘇檀比析薪銅銀供兌換
炫煌奪人目瓌麗世所罕偉哉無盡藏亦足供賞翫
君云吾所慕夙昔在清素彼哉等土苴近黷非吾取

客曰維東京最大雞林府雞林古羅都赫居乃其祖
十年近一千傳祚至王傳杳聯時代遠往跡留千古
金積始林兒寶帶真平主文昌有舊庄庾信有遺墓
鮑石戒荒王鷄述悲神母浩歌月明巷驅馬天官路
一曲萬波笛東海可微步文武水中陵徃徃生雲霧
邃古近鴻荒竒恠不可數行行子所歷亦足富觀覩
君云聞爾言爾言差可適王程第有期未敢便浪迹
客曰遊故都子旣未暇卽故都行一日遂至萇山國
萇山卽萊州自昔隣島域州南五十里有臺名沒雲
州東十餘里有臺名海雲兩臺壓滄海壯觀天下聞

湯湯千萬里浩浩無畔垠誰駕祖龍橋可投任公緡
三山若可見極目空氣氲時見鯤鯨戲合沓天地昏
客言汝未已見君色頗欣君云可復聞客乃起更言
曰彼臺之東可以賓朝日夜半天色開雲濤共蕩滴
六龍捧火輪杳杳以東出紅光與燦芒絕赫而潑刺
霓旌引霞旒鳳御叅鸞蹕中天太陽升萬國重昏失
茲觀儘竒絕談說誠難悉君今行到此足瘳幽憂疾
君聞啞然笑偉哉君所說然吾且飲冰所憂腸內熱
王事恐差池未敢便遊佚客曰子誠是子心余所知
君今何所適渺渺南海陸今君何所事儻彼萊州夷

茲事國所重交際宜先勸萊州慣接夷綏遠有舊典
來有下艇宴去有上船宴設茶先受書必也以禮見
其人好疊劍其俗輕鬪戰頭上漆木髻手中金摺扇
斑斕彩繡服左右矜顧眄長袴一尺餘曳地時自卷
格徒七八十各各皆徒跣睥睨在垂手自爲恭倨辨
太慢則矢歡太遜又近輒弄刀非所憚賄貨非所眩
凡百慎威儀遇事要熟練彼以小巧慧我以大智辯
彼以小黠詐我以大信展言當委曲處時或事宛轉
事當決絕地快若熊兕軋伸縮我自如彼豈能拘胃
折衝在尊俎威靈足可闡箇箇得要領歸奏明光殿

男兒蠻貊行不負朝廷道身名貴俊偉事業宜光顯
區區床褥戀不須憂疥癬君聞復戰然敷腴見顏面
曰余雖顛愚請以斯語勉客復曰此事於子未爲盛
子讀古書史應慕古賢聖夾谷齊魯會儼然夫子政
契丹獻納字使乎富公諍其事有大小所貴安邦境
今子當此役操持在兩平須宣聖神德且使天威競
浸漑雨露潤燁赫風雷騁干羽格羽柴驕桀折清正
波濤永戢息東海淨如鏡扶桑以東西萬萬琉暹竝
殊隣玉帛至重譯筐篚乘紛然一王會回回來朝請
褒君著功伐銘君上鐘鼎然後爲君賀弗愧播歌詠

君既聞此言不覺據几起如執熱濯風如久渴飲水
曬然白日光快照雲霧裏泐然汗不止霍然病乃已
再拜爲君謝子言乃能爾吾方受國命明日吾行矣

挽李士休

行逆發引之夕燈下走筆患屏腫不

清江禮裔君家卽孝族惟君素修潔行義實自勗
內皎以懷珠外朗如冠玉風流興頌饒藝業才太足
投壺驍類郭論書僕命蜀親朋盡才僞許我更敦睦
共蔭南階松并菑凶隣竹泠泠置膝絃湛湛盈尊淥
雨霽山樓射秋深道院讀如君信脫略此心匪詰曲
云何落文罔而竟遭僂辱崑壁俄投焰豐劍遂埋獄

一年隣羯羶千里飽蚌蝟南還得雷雨驚喜泣骨肉
嘉賓復聚好事亦頗續南山遇李廣北郭通袁叔
而我時居銓未卽刻薦牘誰知數日別忽聞君病篤
無乃酒流禍抑恐噬遇毒吁嗟命之薄此疾終不淑
君年未五十匪壽斯爲促君官纔下級一斥仍不復
君無子有姪姪爲君家督哀哀束八尺蹙蹙歛一本
百年儘朝菌萬事同風燭虛牖施蛛絲空簾下塵軸
籬英露未黃庭草秋猶綠念君家善釀新甕日當熟
此時君莫飲此酒誰更漉聞君將卽遠明登指楊麓
我適值家祭清坐事齋沐君行我未逸我淚徒盈目

况君先大夫至性儼顏陸行備軒相篇事列春官錄
不謂幽堂事君乃以我屬此文久未就此詩奄先哭
我愧多負君此愆將何贖惟應一偷暇訪弔君斧屋
代醴澗水清折看山花馥挑燈寫長句誓言以相告

明善公主挽詞

癸丑

三珠闥苑樹燦燦瓊花綴鮮飗忽迴蕩慘見雙枝折
十五瑤臺月盈盈復皎潔正仰清光滿誰知圓魄缺
鴛機已先斷鳳簫亦中咄上帝所震驚九重共愴結
詞臣在下土橐筆事詩訣悲將薤曲陳忍覩穠華撤
敬次圃隱寄東浦孟先生韻仍送休徵令公

瑞按節湖西

昔我讀鄒編一讀三嘆傷正界卽告滕罪歲嘗戒梁
行仁豈有他行一乃其方嗟公大賢後况爲時龔黃
韋丹蒞江西守約化平涼分憂得衣繡玉節指溫陽
母懷游子悲且軫良皇皇至願在增賦不憚罄蓋藏
良情極哀怨天心寧杳茫冀公尚拯活何須怨參商

水雲亭

人問水雲亭何以水雲名水鐘與雲吉二峰當吾楹
朝態娛人眼暮韻清人耳脩然朝暮間高興無時已

又

山雲在吾上江水在吾下素影時卷舒綠波自滌瀉
惟堪灘上釣且供林中臥滄浪與幽石曲高無人和

又

沔川并漢流蒸水浸湘界吾亭亦奇勝二江此焉會
名藪邁青草危島森以檜歷歷恢所矚曠然天宇大

又

白雲在太虛英英抱幽德高凌霄漢界靜合烟霞色
偶然釀陰功時作甘霖灑生意發枯萎蒼然滿四野

又

名山紛四會似爲吾亭來迢迢百餘里乃復見雲臺

森然衆牙笏突爾三角髻嵩華與鴈台誰能識品第

又

吾祖昔行吟杖策茲丘丘偶爾撤臯比遂焉營菟裘
舊稱梨棗場今作松梓里天雲小池邊叢臺尚遺址

又

淮流日在眼中有樂翁間入坑仁義言歸作神仙居
舊樓是白雲遺墟但綠草癡跡忝宅相永言懷王考

又

南谷歸溪水北岸辰溪水二水並入江有本蓋如是
餘生已孤露樂育失時雨兢兢父師教誓言銘心腑

又

山婦理木鏡水客理魚罟魚隊競菽雨菜族滋芳露
幽居春欲晚時物共媚嫵且待新酒熟一醉梨花塢

又

山人憑山閣睡罷知日午翠靄初收障白雲猶滿戶
正當炎燠日獨專清涼界何來北窻風林樾更蕭灑

又

山容日偃蹇林居轉岑寂潭清魚可數霜落梨堪摘
東籬嗅黃花南澗掃白石幽人自獨往不復尋行跡

又

千樹河陽花十里洞庭月春花與秋月物色互無歇
氛氳象香國浩蕩水銀窟扁舟動高興遊賞亦可悅

迭辨誣使赴燕丙辰

白日須掃翳白玉須洗痕匹夫誣猶伸况乃邦國冤
國冤與主辱臣子固同怨美公宗戚卿才誠冠周
藩自言異異姓籍忝聖祖孫急病義則然辨枉心
素存將齋珠玉幣一扣虎豹閣憤昔東江帥簸弄有
流言力蔽宣光業似慰廉來魂齊東益悖謬侈咳不
足論願訂太史編一一得更緝歷歷著廢具昭昭割
明昏清流自洞澈汚渠自淆渾雅奏一鏗鉤淫哇寧

卷之二

二十一

復誼茲事國重事公行宜自敦幸湔 九廟誓報
明主恩秋風動榆林清霜滿薊墩聞關穿戎馬迢
遞度塞垣中原日多事東隣憂正繁歸塗應勿滯戒
心亦莫諉遲公幹事迴對公東園樽

挽李進士 師命 丙子 丁巳

少得阿母憐嫁得阿姑愛郎君復才賢人稱兩美對
一自為貧家婦布練易羅紈我為孟德懼君為梁伯
鸞 一昨聞梁伯鸞鹿車載妻去誰知五噫歌仍成悻
亡語 三阿姑哭賢婦阿母哭少女哀哀兩母情寸腸
餘幾許 四母與女為別一別隔生死生憎白馬潮不

通貴驪水 五可憐乳哺女但知學呼爺不記孃鬢貌

且留孃笄珈 六悲哀結腸操愴惻傷徃賦知君有文
章新成幾篇句 七涼月既云缺曉露亦易晞但招平
生魂却向故園歸 八

送清風李使君子三 整序 斤

江山若論價萬金亦不足公不用一錢自享神仙福
寒波動碧虛高樓映水曲沂泗一棹遠杳然懷玄躅
七言古詩

孤鴈篇哭可億從弟 可億發引 作余 病甚不能赴 葬

一鴈復一鴈雙雙共徘徊風摧霜落忽相失身單影

子鳴聲哀高堂列衆樂中有墳與篋篋兮篋兮調易
絕唯聞惻惻墳聲悲絕響難更續斷行不再聯孤調
與獨影悽切不忍論哀哀廣陵路庶招平生魂巫陽
不來在帝旁九關茫茫虎豹立江風揆碧馮夷愁白
雨亂落鮫珠泣雨泠泠風習習孤舟悅見神靈入由
舟行是維揚之山一片土千秋永埋人如玉可惜珊
瑚之樹纔出海一墜重淵那復得

夜讀諸葛武侯出師兩表有感

隆中之野寬而夷誰云不如莘之宜音治韻會菘音除草也隆
中之水清而漪誰云不如磻之宜絲安乎釣者周之

師樂乎耕者商之伊吁嗟乎侯道不差三顧豈特聘
幣爲魚水還同載匪羆臥龍歛起風雲隨遂令豫州
一孤羈坐向玉壘開帝基狐操鼠權顛復隳我縱我
擒威且綏吁嗟乎侯才之奇南人北人耕相嬉姬民
讓畔何言治吁嗟乎侯仁之施受遺何殊事裘委政
令予奪惟吾持下無以嗔上莫疑侯之旣沒民呱悲
廖徙李廢同涕洟前出師後出師兩表灑且噩商家
說命周公無逸辭秦陋漢滄那有茲千古萬古長昭
垂誦靡衰吾亦不知侯之何修而乃至於斯無亦侯
忠義之屬人心其猶乎江漢常流日月常麗固有杳

然行乎兩間莫之爲而爲噫

挽洪榮川大夫人

即豐寧君夫人

昔遊舅氏門獲拜榮川君因讀舅氏文狀得豐寧勲
豐寧甲科中興初晚歲通侯仍尚書漢代卿相爛勲
伐韋家子弟多名譽榮川於文得神解不與時人競
竒恠千頃汪洋風行水萬里紆餘江到海是夫是子
有如此夫人福德真無比一自大夫捐館遠寂寞南
園秋草綠如何板輿安仁樂復作萱堂敬姜哭門閭
無復望吾兒萬事人間誰不悲昨夜婺女報沉彩劍
合延平會有時東風漢水層冰開碧蕪燕山春自回

文失宗匠惟遺篋動光恠恠底晴虹燭萬文爲語
公家深深十襲以鏞局莫使天公白日砰雷走風勞
六下

明志公主挽詞

昨聞繡嶺初迴駕誰料瑤臺遽罷夢萬舞却傾吳市
鶴獨影奄迷秦樓鳳錦石銀河謾支機紅蜜堯離虛
滿甕最足丹宸留至愴玉簫悽斷不成弄

息庵先生遺稿卷之二

息庵先生遺稿卷之二

Blank manuscript lines with vertical ruling.

